



亦有集卷之下

○寄萊州陳使君

蓀田 張文鑛 以純

雲霧初披憶帝都
温于玉珮凜冰壺
趨墀自少含雞舌
保障頻年握虎符
恩寵定邀三錫命
謳歌先見百城圖
釣鰲更喜瀛洲近
莫向吳中憶膾鱸

○次和周以寧秋日雜感八首

山居猶未蓋新茅
風靜雲低竹放梢
燕語忽悲爲近社
鵲情雖讓未忘巢
黑甜夢境容吾隱
白戰詩

場待客交莫漫傷心正聲盡續弦還待買鸞膠原

有百尺高樓編舊雨三間老屋弔殘陽之句蓋指覲菴與在之兩先生也

詩友淪亡屈指傷歸然獨見魯靈光範金莫拜長

江像投溷翻憎賀鬼囊天上酒旗浮大白人間彩

筆任雌黃不堪逐蟻居槐國猶有檀蘿漫騁強讀情

味集書此誌感

老眼看書雲霧迷琉璃籠照細分題徑多問字苔

痕損戶有催詩日影低入夜霜清孤鶴唳傍山雲

暗病駒嘶秋殘情景常添惡飲汁涼心搗雪梨

短筇出郭足盤旋九月初寒稱薄綿尋菊繼遊沽

酒路題糕追憶典衣年山邊獨樹歸僧屐湖上明

霞估客船收拾景光囊字在叢殘無序蠹餐捐

獨抱遺經世寡諧居今稽古邈無儕王風蔓草荆

榛恨古道秋風禾黍懷俗事豈容懸齒頰素心相

與忘形骸月孤竹冷西窗宿夢繞漁歌釣水涯

手栽盆卉置前軒花焰濛濛照眼昏治病稍和藥

尚杞忘憂欲樹草名萱城南已失當年鶴山北從

驚此夜猿耕鑿悠然吾願足太平無象荷堯恩

老來舊學總荒唐讀史寒窗志激昂
上輿圖秦禁苑燈前戰壘漢滎陽
友期負笈邀殘爻妻勸傭書助薄糧
靜坐此中聊一笑竹聲花影取鄰牆
忽忽無成鬢已絲藥爐經卷不曾離
老當益壯觀書得富不如貧筮卦知蝕
字充飢憐蠹苦採花成蜜笑蜂癡
此生壽數憑天定篤疾經年似趙岐

○遊支硎山

攜筇聊緩步幽徑斷塵氛茗就松根啜
琴從竹下聞泉飛千尺雪石覆一簾雲
不盡登臨興歸舟日

又曛

○震澤寓舍書懷

眼底豪華未足誇一身留滯寔堪嗟
緘詩寄友仍懷友因夢還家復憶家
山際暗雲連野寺渡頭落日聚浮槎
橋西悵望歸湖路盡日惟聞響緯車

○病中有感

共道秋光好秋悲却倍加豈宜貧有病
况以客爲家邨遠遲行藥泉香漫品茶
新知無覓處去住總堪嗟

秋夜同雲文弟話舊

幾年吟咏隔池塘
暫喜銜杯夜正長
半榻涼風收暑氣
一簾新月助秋光
是非到處須封耳
消長無端總斷腸
明日扁舟過閭闔
離情依舊兩茫茫

移居二首

貧裏移家百事疎
不妨窮巷是吾廬
未須折竹兼端策
且擬囊琴更載書
機杼中宵催婦織
菜畦清曉課兒鋤
席門久已甘寥寂
茗椀爐香亦自如
蕭蕭矮屋只三間
寂寂雙扉晝亦闔
地有一區惟

種竹樓非百尺也
看山時窮儒術兼
相誤性懶天心獨
與閒却憶故園松
菊在萍踪未判幾
時還

江陰渡江

南人北去動遐征
卅里江波半日程
到處落花迷亂蜨
一番新柳罨流鶯
船頭浪穩漁人喜
帆背風高賈客驚
却指茫茫頻極目
未知何路是蓬瀛

任家港渡江

北客南歸一夢勞
輕裝短棹泛驚濤
尚寒襟袖江風濶
欲曙關山海月高
沙界東西迴浦激
潮分子

午漲城壕半生行役虛磨折贏得秋霜點鬢毛
送吳潤之之平湖兼爲仲兄仲暉壽

不憚衝炎去當杯惜暫分守株應念我泛梗倍懷
君雞唱星初落蟬吟日又曛幔亭堪共醉有曲奏
賓雲

題友人小像

不出浮塵不染塵琴書花鳥得相親衣冠未省人
間世却羨今人是古人

西湖飲席有贈

廿載離家住古杭飽看身世動迴腸絳帷攻苦傳
經早油幕風流染翰長往事直須隨轉轂新知且
喜共飛觴登臨排日聊乘興未轉輕橈已夕陽

○陳滄漁齋中春晚話舊次和見詒韻

蕭蕭衡泌俗緣輕每聽高談一座傾匣劍囊琴爲
伴侶薰爐茗椀足平生人情已覺今非古世事還
多虧與盈君病我貧春寂寂無端愁思耿難平

○挽陸覲菴先生二首次陳滄漁韻

文海波瀾屬老成機雲家學賴修明丹鉛在手何

曾倦旗鼓當場孰與爭老去空玄分淨業貧來郊
島剩詩名竒篇曾以傳人許猶作鏗然擲地聲先生
贈余詩有傳人
庶可俟之句

瞥眼飈輪鬢早皤感多成恨費吟哦先生有書感
書恨諸什

頻年杖屨追隨數此日人琴涕淚多夜峽啼猿空
自聽秋墳宿草忍重過高山調絕誰能繼蟾舞狸
嗥奈若何

○程欽文書來却寄

相逢剛喜浹旬遊意氣元龍百尺樓夜館未懸徐

孺榻春江又泛李膺舟欲依蘭露猶虛語漫逐輪
蹄豈自由一寄高吟一回首青山碧樹盡離愁

納涼次和吳景紳韻

開軒斷塵事雲氣動微涼杯泛梧桐影茶烹茉莉
香婆娑欲自舞落拓任君狂爲愛西堂句相過意
不忘

○懷程欽文

露白葭蒼思不窮離情幽夢許相通清言傾耳經
年隔古道薰心千里同遣累不辭詩有債驅愁豈

謂酒無功如何鷗鷺尋盟久不分相逢蹭蹬中

題畫

輕雲碧樹遠含秋小幅新圖景自幽最好亂山山下住隔溪雨過聽泉流

○春暮書事

落花飛絮正紛紛無計留春但惜春衣有酒痕連日醉鏡添霜點逐年新青山未合理枯骨白屋終難著病身經世放懷渾窅窅開樽猶爲一傷神

○秋夕書感

未能詩酒與逃禪四十過頭又二年老去依人心欲死貧來善病藥無緣樓頭雁影中宵月床下蛩聲欲曙天不道悲秋秋已半羈懷病思兩茫然

○籠中二鳥朱翠可愛不知其名或云海外來者次和程坦菴韻

雙禽雖被鎖雕籠羽翼相依飲啄同况值艷陽花滿樹不須重憶海霞紅

短翎輕翅久辭林瑤島須知杳莫尋憐殺啾啾天欲曉一聲聲有故巢心

咏龍燈次程坦菴韻

儼成頭角下雲端銜曜須知迴不寒蟾魄正圓天
不夜笙歌聲裏看迴蟠

○寄內

道路辛勤百計非斷腸薄命兩依依愁揮綠綺難
爲別夢到青山不當歸尹字小書燈下枕錦文新
思月中機詩書無用黃金盡未許刀頭破鏡飛

○謝漢三齋中玩菊

湖海鷗盟孰與期素心相與過東籬風前逸致添

佳色霜下幽香滿嫩枝飲興欲添新釀酒吟情不
減舊題詩才名由昔稱三絕自笑蓬軀也合宜

○送人歸魏塘

離情脉脉歲將闌貧裏嗟貧去住難驛路早梅風
信杳官亭衰柳雨聲寒放懷自笑閒彈鋏經世誰
憐老據鞍欲就松關尋舊隱分湖湖水正漫漫

○除夕前一日送婁東友人之吳門

婁水虞山百里賒同來澤國客爲家半生萍跡悲
身事一夕驪歌怯歲華江寺鐘聲春樹隔吳宮柳

色暮雲遮風流門第多高會詩思應看十倍加

○以寧見示秋柳詩即次來韻

每逢憔悴愴離魂別館風高獨倚門瘦盡纖腰猶
有態顰殘淺黛不成痕夢迴明月烏栖陌愁到寒
蟬落葉村連臂踏歌傷歲晚江南舊恨共誰論
雲冷秋宵夜有霜曉看踈影傍池塘銅環戶掩絲
垂幕油壁車空葉滿箱南國詞華都讓庾烏衣巷
陌久非王何時重按臨風舞韋曲西頭第一坊
塵土經年欲滿衣渭城西望路全非輕煙寒食春

遊倦細雨重陽客到稀無復香棉隨馬去空餘病
葉逐蓬飛那堪樹共人俱老搖落江潭事事違
衰殘猶自得人憐疎影藏鴉帶暝煙楓葉有情添
晚照蘆花無賴學飄棉菀枯過眼悲陳迹哀樂傷
人怯暮年何處最侵羈客恨都來殘月曉風邊

○題畫

峭壁顛崖向瀑泉小亭人坐思悠然山川寥廓非
無地雲樹蒼茫別有天物外心情閒是貴此中意
味靜如禪半生淪落知何事遲我歸來結數椽

過停雲菴贈中暉上人次壁間韻

不識幽棲處行來古寺東
開窗唯對竹拓地好栽
松法界雲光近香臺月影重
降心有半偈吾亦欲
相從

○七月歸虞書示內子

飄搖身世少良謀偶返山扉且繫舟
莫訝引錐心未死須知負笈志難酬
十年搖曳三秋夢一水拘牽兩地愁
差喜團圓今夕話持杯恰見月當頭

○次日早發留別內子

信宿歸來話未深視家如傳恨難禁
囊中孤怯十年劒絃上淒迷一曲琴
病去尚須矜俠骨老來終覺悔初心
臨分記取殷勤囑只願加餐莫苦吟

○吳楚白過訪話舊

一別十年久相逢秋早時羨君髯似戟
顧我鬢成絲碧樹新詞賦蒼葭舊夢思
仙舟憑泛泛應笑扣舷遲

○吳江道中

歸心猶忽忽一舸泛滄浪竹樹孤村靜
蠶桑小市

忙橋長虹亘水江冷月凝霜不盡離人意淒然欲
斷腸

○送人歸黎川

石光吹浪放舟遲漫聽驪歌酒一卮夜月梅花魂
欲斷春風楊柳夢難期半生淪落憑誰語終歲辛
勤只自知極目蒼葭重回首片帆落日是天涯

○金閭夜泊

亂鴉引我到吳閭歲晏飄流只自傷百里關河當
積雪萬家煙樹又斜陽扁舟短笛漁歌晚遠寺疎

鐘客夢長莫問消沈終古事且憑尊酒對滄浪

○中秋前三日吳紫瞻止宿齋中次韻

露寒雲暗減秋光好客難逢一放狂說劍論文時
促席挑燈聽雨夜連床階前不斷蛩聲切江上初
橫雁陣長漫憶蓴絲歸未得陶然且共醉他鄉

○重陽後十日婁東友人過訪

秋風禾黍正離離忽到扁舟暮雨時已負題糕酬
九日且須簪菊醉東籬臨邛久病惟高卧南阮長
貧只自嗤漫道青雲應有路摧頽常笑著鞭遲

○申山道中望峴山有作

半生萍跡歎蹉跎又泛清苔意若何一路鳥啼深
樹暗幾家花落小園多青山每憶題詩去碧浪還
遲載酒過聞道今年春更好紅燈徹夜有笙歌

○八月十三夜舟泊虎丘

耿耿銀河淡欲流銀蟬早已伴孤舟今宵未到團
圓候預借三分照虎丘

○花岡道中

吳山回首已迢迢又向花岡泛短橈樹裏雲低梅

堰寺風前浪暖柳塘橋何心催夢鶯聲滑著意留
人燕語嬌自笑支離歸未得殘魂應藉楚辭招

○和三峯碩揆和尚冬月桃花詩十首

記取天桃破格開開時祇有冷相催却憐小雪垂

垂過直喜新陽漸漸回

原序云十月中萬花盛
開過長至猶不凋卸蕃

秀固應鍾地脉英華畢竟露天才虞山好繼瀉山
事定有今朝悟道來

五夜嚴霜一樹桃任他穠艷也孤高爲由覺帝圓
通力不待天工剪刻勞帶笑可知非意著不言還

是托禪逃漢家遺得華林種表瑞人間又一遭

本緣有地種華生莫是今番組織成霜葉斷難推

作友嶺梅差可事爲兄禪心冷處忘三昧俗眼紅

時喫一驚吟賞却應愁晷短故燒高燭坐深更

禪房曲徑向幽深爲有名花特地尋歲莫不爲冰

雪苦井傍應免蠹蟲侵回環本是洪鈞力變化聊

通示現心不比磅礴無日到

拾遺記磅礴山日所不及其地寒有桃千

圍萬年一實將來陽氣正乘陰

屈指春風信尚遙小桃何故發崇朝赤城漫見雲

霞起金谷誰將蠟燭燒壓雪僅開梅半面含煙那

放柳千條人間若有還丹法免使紅顏歎易凋

枝滿媽紅葉綴青不隨物候歎凋零人疑玉洞春

先到我判瑤池酒未醒歲晚定知無雨露山深還

是有英靈登臺若要書雲物眼見魁杓剩四星原倡

云斗間不見玉衡星按天文志魁四星爲璇璣杓三星爲玉衡

轉移造化是誰功瞥見深紅間淺紅只爲托根來

淨域總然無意領東風詩朋禪侶千回賞急雪嚴

霜百計攻落也不妨開亦得休憑宋玉論雌雄

花先灼灼葉還稠冒冷衝寒獨出頭擬逐楊花無
處所要隨流水又何由仙源若問千年種法界纔
開一度秋清淨并無蜂蝶影奇香滿院有誰偷
一樹夤然表異常故將紅艷鬪清霜人誇春浪層
層錦我愛涼風漠漠香妄說胭脂來北地幾曾權
柄屬東皇誰來箇裏窺真諦度索天台盡渺茫

向年培植既平均休訝偏偏一樹新開謝看他同

一本苑枯况是各分身

原序云小桃兩樹高可丈餘許其一樹則枝寒幹冷

蕭條寂寞花與葉皆杳無消息

從今支派傳千載豈祇風光占小

春棒喝若教叅物理梅花翻作後來人

○三峯夏月梅花詩十首和湘靈錢先生韻

入夏梅開又出奇綠陰深處暗猜疑一簾晴雪荼
靡盡滿院涼風茉莉遲葉底共看垂實候梢旁重
訝點花時此番發洩都應遍何暇南枝更北枝
騷壇爭爲賦新詩證果休嫌節候遲神遇清和添
俊爽體經霜雪帶清羸開當蘭若雲千朵折向雲
窗玉一枝色相看來元不異憑誰法力展神奇
却笑花神漫職司箇中倚伏可先知桃腮只爲施

朱早梅額偏教傳粉遲流水空山成絕調綠雲紅
雨費相思將來正有調羹用氣味雖酸莫縐眉
探梅古剎興悠揚滿院濃陰一徑涼嫩蕊尚含珠
錯落簾花爭放玉輝光莊嚴可要簪螺髻薰染真
堪襍妙香今日巡簷添劇笑一番白醉不成鄉
佳話傳來恐不經帶花連果供君瓶溟濛香閒維
摩雨的爍光分處士星架繞古藤盈片紫林抽新
竹四圍青孤山頗有支公興還認襜褕老鶴形
自憐松竹本相親一歲竒逢兩度春五葉支流元

不異雙林景色頓重新暖薰白晝風無影香靜黃
昏月有神自是機關能活潑更將消息問何人
羅浮殘夢半和鶯誰剪冰綃頃刻成無盡未能叅
物態有涯應自愧吾生色香不異凌風境枝葉全
非耐凍情若許逍遙依白社身心贏得一時清
偶緣索笑動吟髯花意兼將實義拈自是化機能
解脫更將高跡寄幽潛衝寒迴異騎驢背盡興何
愁損帽簷待得禪床梅熟後祇須放下不須黏
結果才成又放花春風常占梵王家已饒密葉遮

牆角閒有疎枝照水涯曉色朦朧迷蜨影暖香狼
籍趁蜂衙不知揮罷詩翁筆蜿蜒何如入草蛇
詞賦偏宜鉄石心暖風晴日愛招尋寄人不惜盈
枝玉得句如逢布地金見桃花詩序渴指嶺頭休悵望
夢回林下費沈吟淨根便是菩提樹寄語風塵莫
浪侵

和高太史詞

予錄青丘集愛其牧牛捕魚諸詞曲盡情景兼
多諷刺真三百篇之遺也因念吳俗所有效顰

八章

牧羊詞 做牧牛也

爾羊烏我羊白爾羊無多我百隻烏白參差滿南
陌短鞭共插相隨行不須蓑笠天常晴羊飢欲覓
草多處岐路還愁羊失去東西赤脚趁羊羣往來
踏破山頭雲

種魚詞 做捕魚也

成團水母烘晴日細似針頭滿潭出漸看逐隊能
浮波白鯁青鱗今年多肩挑不怕買無主處處池

塘足春雨得錢酤酒早歸來一家對飲歡顏開堪
憐漁父江頭宿換米無魚兒夜哭

紡紗詞

做養蠶也

西風夜起棉花落似雪弦頭彈得薄家家徹夜紡
車聲蘆笆壁漏燈火明手冷頻呵響乍稀懷中兒
醒嗚嗚啼機空且莫歎無褲換米朝炊滿身露肩
囊值地猶未開催租人已門前來

放鷹詞

做射鴨也

紅絲帽掣金鈴響一霎盤旋高百丈遠來鳧雁見

先驚雲頭撩亂爭哀鳴雙拳鐵爪奮欲擊直下空
中如霹靂白毛翠羽紛紛零須臾打落寒風腥高
居自喜飽食肉今夜孤鴻何處宿

伐石詞

做伐木也

山家莫說生涯少鑿取青山賣不了腰錘挈伴登
山頭一聲驚破蒼崕秋斷痕猶帶蘚花綠旋轉和
雲隋澗曲年年移去向朱門疊作名園有幾存只
今零落溪邊石不改煙嵐舊時碧

播穀詞

做打麥也

秧田處處平如鏡日日桑顛鳴戴勝繩懸浸種繞
池塘棟花風暖家家忙盈筐白玉芽垂肘疎密全
憑主人手今年天晴秧易成未逢梅雨先催耕呼
兒努力休嫌苦轉眼黃雲滿場圃

采菱詞 做采茶也

前溪後溪青一片空有菱花不照面秋風打浪冒
輕絲一彎葉底初生時瓦盆作船手代槳驚起鴛
鳧水聲響歸來攜得滿筐紅剖成白玉堆盤中飽
嘗此味君知否除却江南更無有

賣菜詞 做賣花也

炊煙乍起春城曉食肉堪憐朱戶少一肩翠縷新
薤香家家停筯思共嘗齋厨更喜冬菘熟巷口頻
聞催喚速往來莫笑白頭翁閉門種菜多英雄根
中滋味但能識不遣蒼生有此色

○次和馬栖霞移梅韻四首

未許春風隔一籬芳根偏趁牖前移馬融長笛雖
能賦爲囑從今切莫吹

却月凌風莫漫誇巡簷差喜一枝花若教繞屋栽

千樹不讓孤山處士家

香滿疎林雪滿枝石欄點筆坐題詩
鈍吟有句偏清切難得無風有月時

鐵幹冰枝老鏤拏絕無蜂蝶與喧譁
晚來更愛橫斜影大似徐熙沒骨花

○次和龔雪航移居五首

背市依山構小廬草茅寧憚自誅鋤
衡門尚未謀栽柳廢圃先教學種蔬
蒼翠幾多峰列牖澄泓只待澗通渠
我來命酌渾閒事厭飫無過是蟹胥

升沈何必感飛鳥直喜襟懷一事無
晚景且遲籬下菊早涼先落井邊梧
好依雲嶺希徵士漫逐煙波學釣徒
人世自今慵著眼肯將閒論著潛夫

莫歎飄零類轉蓬扶搖端賴有高風
羽毛暗羨摩霄鶴踪跡須憐印雪鴻
愧我寸心空似壯多君雙鬢未成翁
他年若許同招隱何必桃源有路通
呼晴喚雨任鳴鳩閒向南窗一覺休
若得此閒常寄傲不知何事又闌愁
山當晚照嵐浮榻竹帶秋煙翠擁樓
只有幾人來往熟莫辭日夕與同遊

曾向幽棲玩物華秋光將半日臨斜自多叢桂依
山畔只欠美容插水涯喬木共瞻新卜宅行囊忽
報遠還家宵來定爲占星聚門外爭投刺滿車

○同以寧夜話偶成二絕

樽前林下逐淹留今夕何辭秉燭遊劇笑一生情
思少花時寥落醉時愁

促坐論心午夜餘隔林殘月半窗虛相看燈下蕭
蕭影只恐東陽瘦不如

○聞露涓歸自鄧尉賦梅花詞四首寄之

萬籟無聲鶴夢清暗香來處月痕生瑣窗六六棲
鸞雀不敵疎枝一角橫

愛聽提壺繞樹行酒旗搖動綠楊城知君早有深
山約一路梅花不問程

空山冰雪自生春箬笠芒鞋不動塵始識梅花吹
不落東風莫近倚樓人

中宵明月駐簾櫳從此春光賞不窮有酒莫教今
日盡老梅枝畔杏花紅

○金閭旅次同雲文弟夜話

蒹葭渺渺黍離離忽漫相逢秋晚時握手欲狂拚
共醉挑燈與語又成悲元龍意氣渾無改司馬才
華本不羈未許頡頏慚老大年來雙鬢已如絲

○春暮次汪子宜韻

春淺春深悵望中無端煙景藹晴空樓臺燕拂桃
花雨簾幙鶯翻柳絮風雙鬢久嗟絲併白衰顏難
借酒爲紅非才漫許酬新句撚盡枯髭總未工

○癸巳閏五月哭大兒道澍

慟哭連朝汝不知延陵痛殺適齊時肝腸在裂天

難問泉壤重逢夢可期馬帳諸生推慧業

童時爲塾師季

文起所賞

王家從父識兒嬉

以焘伯兄亦極稱之

嗟哉已矣吾衰

甚有盡滂沱不盡悲

亦有集卷之下

圖書



亦不集卷之一

三

